

經政志四

湖北通志卷四十六

漕運

浮于江沱潛漢逾于洛至于南河書禹貢案孔傳云河在冀州南東流故越洛而至南河舊水道惟沔漢達江陵千數百里北無通路預乃開陽口起夏水達巴陵內瀉長江之險外通零桂之漕晉書杜預傳

唐肅宗末年史朝義兵分出宋州淮運於是阻絕租庸鹽鐵游漢江而上河南尹劉晏為戶部侍郎兼句當度支轉運鹽鐵鑄錢使江淮粟帛繇襄漢越商於輸京師文獻通考廣德二年以劉晏領轉

運為歇艫支江船二千艘每船受千斛十船為綱每綱三百人篙工五十人自揚州遣將部送至河陰上三門號上門填闕船米斗減錢九十調巴蜀襄漢麻鳧竹篠為綯挽舟以朽索腐材代薪物無棄者未十年人人習河險江船不入汴汴船不入河河船不入

志四十六

經政四 漕運

一

渭江南之運積揚州汴河之運積河陰河船之運積渭口渭口之運入太倉歲轉粟百一十萬石無升斗溺者輕貨自揚子至汴州每馱費二千二百減九百歲省十餘萬緡又分官吏主丹陽湖禁引漑自是河漕不涸唐書食貨志德宗以給事崔造敢言為能立事

用為相造以江吳素嫉錢穀諸使顓利罔上乃奏諸道觀察使刺史選官部送兩稅至京師增江淮之運浙江東西歲運米七十五萬石復以兩稅易米百萬石江西湖南鄂岳福建嶺南米亦百二十萬石詔浙江東西節度使韓滉淮南節度使杜亞運至東西渭橋倉諸道有鹽鐵處復置巡院歲終宰相計課最文獻通考

宋都大梁有四河以通漕運曰汴河曰黃河曰惠民河曰廣濟河而汴河轉漕為多先是四河所運未有定制太平興國六年汴河歲運江淮米三百萬石菽一百萬石黃河粟五十萬石菽三十萬

石惠民河粟四十萬石菽二十萬石廣濟河粟十二萬石凡五百五十萬石非水旱蠲放民租未嘗不及其數至道初汴河運米五百八十萬石大中祥符初七百萬石江南淮南兩浙荆湖路租糴於真揚楚泗州置倉受納分調舟船溯流入汴以達京師置發運使領之 荆湖江淮兩浙以及嶺表金銀香藥犀象百貨亦同之川峽諸州金帛自劍門列傳置分輦負擔以至粗布及官所市布由水運送江陵自江陵遣綱吏送至京師止齋陳氏曰本朝定都於汴漕運之法分爲四路江南淮南浙東西荆湖南北六路之粟自淮入汴至京師宋史食貨志 慶曆三年江淮歲漕不給樞副范仲淹言國子博士許元可倚辦擢江浙荆湖發運判官元曰以六路七十二州之粟不能足京師吾不信也命瀕江州縣畱三月糧餘悉發之遠近以次相補引千餘艘轉漕而西京師足食玉海 發運

志四十六

經政四 漕運

二

司始於仁宗時許元自判官爲副使創汴河一百綱漕荆湖江淮兩浙六路八十四州米至真揚楚泗轉般倉而止復從通泰載鹽爲諸漕司經費發運司自以汴河綱運米入京師文獻通考 天聖中

發運使方仲荀奏請度真楚州堰爲水閘自是東南金帛茶布之類直至京師惟六路上供斛斗猶循轉般法吏卒糜費與在路折閱動以萬數欲將六路上供斛斗竝依東南雜運直至京師或南京府界卸納庶免侵盜乞貸之弊自是六路郡縣各認歲額雖湖南北至遠處所亦直抵京師號直達綱豐不加糴歛不代發宋史食貨志

紹聖中詔淮浙江湖六路上供米計其近遠分三限自季冬明年八月以此輸足宋史職官志 建炎二年八月詔二廣湖南北江

東西路綱運輸送平江府京畿淮南京東西河北陝西及川綱輸送行在又詔二廣湖南北綱運如經由兩浙亦許輸送平江府交

納三年又詔諸路綱運見錢並糧輸送建康戶部其金銀絹帛並

輸送行在宋史食貨志紹興初以荆湖之粟餉鄂岳荆南量所用之

數責漕臣將輸而歸其餘行在文獻通考紹興二年罷江淮發運使

以其錢帛赴行在祖宗時發運司歲漕江湖粟六百萬斛即真揚

楚泗置轉般倉游流摺運以贍中都且因豐凶而平其糴至是省

之玉海

元都於燕去江南極遠而百司庶府之繁衛士編民之眾無不仰

給江南自丞相巴延獻海運之言而江南之糧分為春夏二運蓋

至於京師者一歲多至三百萬餘石民無輓輸之勞國有儲蓄之

富元史食貨志案元時以浙江湖廣江西二十九年開通惠

河郭守敬初言水利十有一事其一欲道昌平縣白浮村神仙泉

過雙塔榆河引一畝玉泉諸水入城匯於積水潭從東折而南入

志四十六

經政四 漕運

三

舊河每十里置一牖以時蓄洩帝稱善復置都水監命守敬領之

丞相以下皆親操畚鍤為之倡置牖之處往往於地中得舊時輒

木人服其識逾年畢工自是免都民陸輓之勞上悅賜名曰通惠

續文獻通考至大四年遣官至江浙議海運事湖廣江西之糧運至

真州泊入海船元史食貨志

明太祖都金陵四方貢賦由江達京道近而易成祖遷燕道里遼

遠法凡三變始海運次海陸兼運至漕運而制定漕運凡三變初

支運次兌運支運相參至支運悉變為改兌而制定 永樂元年

始用淮船受三百石者道淮及沙抵陳州潁岐口跌坡別以巨舟

入黃河抵入柳樹車運赴衛河輸北平與海運相參淮海運道凡

二而臨清倉儲米亦以輸北平合計三運惟海運用官軍其餘則

皆民運自濬通惠河乃分遣官軍就近輓運送淮徐德通四倉名

曰支運凡四次而海陸二運皆罷惟存遮洋船每歲於河南山東小灘等水次兌糧輸天津薊州而已不數年官軍多所調遣遂復民運 宣德四年尙書黃福同陳瑄建議復使官軍支運乃令江西湖廣浙江民運糧百五十萬石於淮安倉蘇松寧池廬安廣德民運糧二百七十四萬石於徐州倉應天常鎮淮陽鳳太滁和徐民運糧二百二十萬石於臨清倉復令官軍支運民糧既就近入倉力大減省乃量地近遠糧多寡抽民船十一或十三五之一以給官軍 六年陳瑄言江南民運糧詣倉往返幾年誤農桑而湖廣等官軍每歲以船至淮安載糧若令江南民兌撥附近衛所官軍運載至京給與路費耗米則軍民兩便吏部尙書蹇義等條上官軍兌運民糧加耗則例以地遠近爲差每石湖廣八斗民有運至淮安兌於軍運者止加四斗如有兌運不盡仍令民自運赴

諸倉不願兌者亦聽其自運軍既加耗又給輕齎銀爲洪開盤撥之費且得附載他物皆樂從事而民亦多以遠運爲艱於是兌運者多而支運者少矣 初運糧京師未有定額成化八年始定四百萬石自後以爲常兌運之中湖廣山東河南折色十七萬七千七百石 正德二年請將浙江江西湖廣正兌糧米三十五萬石折銀解京 憲宗立運船至京期限浙江江西湖廣九月初一日世宗定過淮程限湖廣浙江江西三月神宗時改爲二月又改至京限五月者縮一月七八九月者遞縮兩月後又通縮一月 嘉靖元年漕運總兵楊宏請以輕齎銀兩悉聽運官道支爲雇僦車船之用不必裝鞘印封計算羨餘以苦運卒給事御史交駁之戶部言輕齎本資轉般費今慮官軍侵耗盡取其贏餘以歸太倉則以腳價爲正糧非立法初意乃議運船至通州巡倉御史核驗酌

量支用實數著爲定規有羨餘不輸太倉卽用以修船官旗漁蠹者重罪 輕齎銀者憲宗以諸倉改兌給之路費始各有耗米兌運米俱一平一尖故有尖米自隨船給運外餘折銀謂之輕齎改兌無尖米以耗米二升折銀謂之折銀輕齎凡四十四萬五千餘兩後頗入太倉矣明史藁食貨志 明會典應天等十三處每石耗米除隨船作耗餘米二斗六升折銀一錢二分名二六輕齎後改二四

清額徵漕糧 正兌漕糧運京倉湖北原額十有二萬二千九百四十二石七斗一升有奇內除永折米改徵黑豆米並節年荒缺開墾報升不足原額外以嘉慶十七年計之湖北九萬三千六百七十六石二斗八升有奇永折漕糧湖北三萬二千五百二十石六斗每石折銀七錢會典事例

今按道光二十五年額徵之數開載湖北省正兌正米九萬四千

志四十六

經政四 漕運

五

一百八十七石八斗七升二合一勺無改兌米永折米同原額內武昌府三千六百二十三石七斗七升漢陽府一千二百二十三石四斗四升四合七勺黃州府一萬五千八百四十八石三斗八升安陸府三千四百九十五石五升荊州府八千三百三十石每石連耗米四斗折徵銀七錢同治戶部則例

隨漕徵耗 隨正起運以爲京通各倉耗米並沿途折耗之用湖北每正兌米一石加耗四斗除一斗五升隨船作耗外二斗五升內以二升七合六抄在水次給丁其餘二斗二升二合九勺四抄隨正起交湖北無改兌米 嘉慶四年議准湖北照江蘇之例原備曬颺耗米四升七合六抄內撥出二升七合六抄開兌時劃付旗丁所剩二升隨糧交倉 五年奏准原備曬颺折耗除劃付旗丁外不敷進倉折耗將三升八合餘米撥出八合量爲抵補 又奏准各

省劃給旗丁曬颺耗米於水次兌漕日各州縣按照市價代為售變所變價銀交給各丁一經兌完開幫毋許顆粒上岸會典事例

隨漕輕齎 每正兌米一石湖北又徵耗米三斗六升謂之三十六輕齎康熙四十七年題准嗣後各省額解輕齎銀湖廣所屬解貯

通濟庫應用會典事例

隨漕席木板竹 每正兌改兌漕糧二石湖北徵方席一領縱廣皆四尺八寸其應改折色者湖北每領徵銀一分給運軍辦買赴通交納湖北每正兌正米二千石徵楞木一根長一丈四尺九寸圍圓二尺五分松板九片闊一尺三寸五分厚五寸五分其改徵折色者每楞木一根徵銀五錢至五錢五分松板一片徵銀四分至四錢五分各不等湖北糧艘到通每船帶大竹一根中竹三根大竹長二丈中徑五寸每根價銀一錢中竹長一丈二尺中徑二

寸每根價銀八分 雍正四年題准各省應徵楞木松板舊例係三分本色七折色湖北應徵本色徵銀給運軍辦交嗣後將松板全解本色楞木改徵松板亦全解本色 十二年奏准湖廣舊例每船運軍自備大竹二根中竹十根解交各倉編造氣筒嗣後每船大竹仍帶二根中竹減去四根止帶六根 乾隆六年奏准每船再減各帶大竹一根中竹三根 十四年奏准湖廣應徵松板一半解交本色一半改折銀兩今松板數用應全交折色解通 三十六年奏准所徵松板照數徵解於三十七年為始 五十五年奏准湖廣應徵本色松板於五十六年為始暫行停徵俱令全交折色解通俟將來應需本色時奏請辦運 嘉慶五年奏准湖廣額徵松板照數全徵本色即於次歲隨漕解運以供鋪墊會典事例

餘米 凡正兌米麥豆每石交倉耗米二斗五升內除運通運京共耗二斗一升二合餘給運軍回空食米三升八合 乾隆三年題准各省糧船抵通起卸如有不足不准買餘米抵補卽照參處著賠其失風失火等船事出意外准其照例買抵 七年奏准漕船抵通起卸完日驗明飯米缺乏之幫將應得每石三升八合餘米三分交倉給銀七分給米以濟回空之用 會典事例

簞羨銀 湖北漕糧按實過壩正米覈算每石給簞夫銀一分又按到通漕船實數湖北每船給羨餘銀四兩凡有挂欠漕糧者按所欠米數以通幫簞羨銀均派扣除其中途失風漂沒損壞不到通者按船扣除 會典事例

廳倉茶果 乾隆二十四年議准各省漕船應交坐糧廳茶果銀兩湖廣每船額交銀一十兩在於到通應簞羨紅駁銀內照數扣

志四十六

經政四 漕運

七

抵如有餘剩仍行找給不敷銀兩於餘米折價銀內找足 三十一年議准每糧一石交銀五釐一毫有奇爲各倉收放米石之用令坐糧廳於應給餘米折價銀內扣抵 會典事例

官軍行月錢糧 湖北各衛千總於俸廩外兼支行糧三石運軍每名行糧三石月糧九石六斗以上均折銀徵給 乾隆元年題准停運漕船應給減半月糧均應酌定款項支本支折庶免辦理參差湖北本折各半折色照該省定價每石折銀四錢於漕項內支給本色於減存貼贈二耗米內動支儻無本色米可支卽照定價四錢折給 三十一年議准湖北出運旗丁每船例給行糧三十石月糧九十六石向俱每石四錢折給查所領一半折色行月每石僅止四錢較之江浙等幫全支本色者實爲減少將一半四錢折色行月糧價每石概以七錢折給以紓丁力 會典事例 湖北運

官每員行糧三石每石折銀四錢旗丁每名行糧三石月糧九石六斗俱每石折銀七錢

同治戶部則例

贈貼銀米 各省漕糧舊係軍民交兌運軍需索多為民累後改為官收官兌因酌定贈貼銀米名目各省不同湖北謂之貼運湖北無加贈銀米於四耗外加耗二升隨糧徵給 乾隆八年題准各省收漕除徵給隨正耗米並運軍行糧月糧等項外別收漕耗銀米一項湖北每正糧一石收漕耗米七升漕費銀七分皆給發官軍辦公之用此項若遽議裁革非但運軍無以濟運必啟勒索之端卽州縣修倉鋪墊無項可動亦必藉辦公暗派浮收轉滋流弊應照舊辦理 十六年奏准原定漕糧腳費按石收錢不敷辦公應酌量加增以上隨漕輕齋席木片板行月漕贈等項湖北徵銀四萬八千八百五十八兩八錢六分三釐

尾數一作四十五兩九錢七分九釐米

志四十六

經政四 漕運

八

一萬八千九百二十一石二斗三升六合各有奇

尾數一作九百三十三斗有奇

除給運弁運軍並解通濟庫為運米腳價之用餘均造冊報撥四十四年奏准湖南省運兌湖北廣濟等州縣漕糧各船修艙備器應給公費津貼等項於湖北墊發湖南解還歸款 嘉慶八年議准湖北頭二三幫每船於應領幫費內扣存銀四十兩留俟船抵田家鎮放銀二十兩餘銀二十兩至瓜州口放給

會典事例

截留事例 康熙三十八年題准湖廣漕糧截留江南山東等處

每石耗米均以二斗五升作正交兌 五十八年題准湖廣漕糧

截留江西安慶等處將加四耗米全數作正交兌 雍正九年題

准湖廣截留山東漕米除耗米二五一七作正截留外將所餘盤

耗米按程計算折耗給還運軍其餘作正截留 乾隆元年題准

各省截留漕船介於起運停運之間行糧月糧應給應追向未定



有成例應酌定成規以歸劃一嗣後湖北湖南漕船灣泊岳州府濱臨洞庭風波不測截留漕船於例給一半月糧之外每船酌留頭舵水手四名防護每名日給口糧一升減去水手人等每名每站給盤費銀三分米一升均照時價折給 四年題准湖北運軍所領錢糧比別省較少截留漕船所領三修行月二耗竝州縣津貼京腳銀米均免扣追惟所領四斗耗米視其船未出境在本省截留者均令隨正交收若已出境者內一五耗米按已行未行程途分別追給 五年題准各省截留漕船有到次尙未受兌及已兌未開行者嗣後未兌之船照停運例給與減半月糧已兌未開之船於減半月糧外將三修一項照數全給 七年題准各省截留漕船已兌開行按照定例扣追運軍多有苦累應酌量加給使軍力寬裕按各軍在次費用需銀竝無需米之處今分別程途遠

近船糧多寡湖廣每船酌給銀七十兩以敷各軍在次修船置備什物及雇募舵頭水手安家養贍之用其銀卽於行月折色銀內扣給其未經過江以前截留者除在次酌量給銀外其餘剩餘米一例照程途分別追給如已過長江尙未渡河截留者應給與四分之三至渡河以北至臨德等處截留者將各項銀米照抵通例准其全給

會典事例

漕糧徵收 順治九年題准各省漕糧向係軍民交兌軍強民弱每多勒索嗣後定爲官收官兌酌給贈貼銀米隨漕徵收官爲支給民間交完糧米卽截給印串歸農軍民兩不相見浮費革除乾隆四年上諭湖北每年額徵糧米運通倉者名曰北漕給荊州官軍者名曰南漕二項合收分解永遠遵行如有分項徵收零星多取者治罪 五年題准湖北糧多之處按照區圖糧少之處不

分區圖收納毋使糧戶擁擠守候 八年題准各省收兌漕糧斛

式向來底面尺寸相等因口大邊闊易於浮溢應改鑄小口鐵斛

頒發倉場並有漕各省一例遵用原頒大口鐵斛繳銷會典事例

漕糧改折 康熙三十八年奏准湖北武昌府屬之大冶通山黃

州府屬之黃梅麻城黃安等五縣額徵南糧每石折徵銀七錢自

三十九年為始永遠改折勒石垂久附錄康熙三十八年十月湖廣總督郭琇特請改折摺略

查湖北南糧一項所以協濟本省駐防官兵其他州縣本年徵

收本色支放兵糧殊為甚便獨有黃州府屬之黃安麻城黃梅三

縣與夫武昌府屬之大冶通山二縣共米二萬七千二百二十二

石八斗例應解赴荆鄖等汛以支兵糧原無額設解費而各屬僻

處萬山之中相去荆鄖地方有千餘里者有一千六七百里者道

路崎嶇舟楫不通肩挑背負勢所不能將以驢馱運交則必須二

萬石有餘是運口其雇覓之價及百姓往返食用等費約計值米六

上萬石有餘是運口其雇覓之價及百姓往返食用等費約計值米六

之百姓日爾等米石爾等應解而百姓力有捐賄乎彼不得而責

苦累勢必哀懇縣官折價差往彼地購買支放殊不知一折價間

而百弊叢生矣其中胥役苛索者有之包辦侵漁者有之或不肖

志四十六

經政四 漕運

十

官吏因而浮取肥橐者亦有之是折價較之米價猶然二三倍不止民力幾何豈堪如此之剝索如此之重困乎康熙三十七年臺臣李先復曾以五縣南糧等事籲請改折部覆行令該督撫確查具題而地方各官慮以折銀給兵自購恐致米價騰貴各兵或致賠補每歲須隨時估價責成糧道等語是以部駁不允謂每歲以時價具報恐不肖官員具報浮多亦未可定駁之誠是也竊計荆鄖正當水米聚會之鄉五縣之米不過二萬七千零其價何致騰貴且查歷來荆鄖米價銀六七錢不等即遇歉收至入錢之外足矣酌豐歉之中每石折銀七錢不為不均且豐年多而歉歲少以有餘補不足酌定價值既便於民何嘗有累於兵是當仍依臺臣條奏每石折銀七錢改入地丁冊內彙徵分解若恐南糧數目久或無稽仍於全書項下註明某年改折兵餉若干奏銷查對亦甚易也 乾隆七年題准湖北通山當陽二縣僻處山陬不通舟楫漕

糧難於兌運嗣後改徵折色官為采辦每石連腳耗定價一兩二

錢五分 十七年題准通山當陽折徵漕糧近因米價日昂賠累

應借動道庫隨漕銀兩採買照價徵還歸款 四十一年議准通

山當陽二縣額徵漕糧向例民折官辦惟米價低昂無定查江夏

嘉魚漢陽黃陂孝感雲夢應城七縣每年餘剩耗米一千七百八

十九石零係易穀附入常平以之撥抵該二縣漕糧實爲妥便其應徵折色酌定每石徵銀一兩四錢五分永遠遵辦所徵銀兩解存司庫遇常平倉需用酌量市價買補

會典事例

漕糧運船

湖廣漕船原數八百二十六號內除漕糧折銀徵解

及灰石改折並分載帶運及坍荒地應蠲漕糧裁減船數外以嘉慶十七年計之實運船數湖北一百八十號湖南一百七十八號順治十二年覆准湖廣每丁徵銀二錢以供貼造若船多銀少儘數勻攤 又議准造船料價例於州縣民地徵十分之七衛所軍地徵十分之三 十五年議准湖北修造漕船所給料價官役高下其手竟非原數不得不私派幫貼嗣後應令官修官造以蘇軍困 康熙九年覆准楚省三料價因漕不起運裁充兵餉今楚漕復運自應照舊編徵爲造船之用毋得將別項動用 二十二

志四十六

經政四 漕運

十一

年題准各省漕船載正耗米共五百石土宜六十石 二十六年題准通糧每年出運一船給修費七兩五錢 雍正二年議准湖廣各衛所船定例糧道將料價分發武昌漢陽二糧廳在武漢二廠成造 四年題准湖北湖南現運漕船俟運十年一例請造 乾隆五年奏准催漕船按汛成造每船給銀三十七兩六錢三分三釐於稅課銀內動支又別於茶果銀兩內每歲支給小修銀二兩十年期滿別造 十三年覆准湖北漕糧比湖南少八百餘石漕船多於湖南四十六號船多米少每船應得耗米水腳等項較少事例不一運丁未免偏枯將湖北裁汰四十八船存船百八十九均裝額運漕糧仍將底料賣價報部 三十三年議准湖廣滿號漕船照江西之例畱通變賣每船存銀六十兩令倉場封付隨幫帶交糧道驗給各丁以資承造新船之用 二十六年題准湖北

荆州左右衛運田沔陽衛運班二田每逢漕船大造之年均照運費按數加徵造費荆州左衛每船給造費銀六百兩右衛給造費銀四百八十兩沔陽衛給造費銀四百兩如係赤丁每船給造費銀四百五十兩 四十一年議准成造漕船定有查驗九法一驗木毋雜惡質毋閒舊料二驗板康板厚五寸塘浪底板二寸拖泥腳棧板一寸七分三驗底淺船底長不過五丈二尺中間闊不過九尺五寸四驗梁淺船龍口梁闊不過九尺高不過一丈四寸使風梁闊不過一丈四尺斷水梁闊不過九尺高不過五尺五驗棧淺船棧長七丈一寸深三尺六寸六驗釘一尺四釘逐眼稽查七驗縫板邊俱淨縫口細合八驗艙以斧入鑿以鑿入麻縫滿然後固以油灰麻少縫闊油少灰生立究九驗頭稍鐵葉扒錫攀護頭稍者不許短少鋪頭鋪稍裏料不許濫惡充數 又議准每船額

給料價銀二百八兩七錢七分有奇 五十年議准江廣漕船船身長九丈五尺寬一丈六尺五寸底長七丈二尺兩康兩棧共深六尺九寸天蓬高二尺八寸大桅頭桅亦俱收低吃水尺寸刊明棧板之上俾易查驗每船給料價銀二百八兩零 五十九年議准荆州衛加徵津銀二千六百四十兩該衛漕船三十三隻每年共需銀一千三百二十兩統計十年應積銀一萬三千二百兩嗣後每屆造船一隻於道庫積存銀內給銀三百兩在屯只徵造費銀一百八十兩

會典事例

駁船 乾隆五十年議准官備駁船十年排造每船給料價銀二百五十兩每歲酌給油艙銀五兩每屆三年酌給小修銀二十兩在天津道捐存駁價內動用如次年已屆折造則本年止准油艙其小修銀兩停給以節糜費 五十二年奏准江西湖廣二省

添設駁船三百隻仍歸直隸省與原設駁船一體在楊邨輪流備駁一切章程照原議辦理會典事例

帶運加給 康熙二十九年題准湖廣原係按米派船向無加裝

漕米支給負重之例今湖北帶徵漕米撥運減存船餘米分派各

幫帶運其撥用減船行月蓆木等銀准照例支給至加載漕米不

准支行月及貼運銀米 乾隆六年題准湖廣程途獨遠如重運

已經過淮失事者回次之時業屆受兌新漕賠造不及准其暫減

一年從容修造完固再令出運其本年應運正耗漕米即分於通

幫附搭運通交納若未經過淮失事去受兌之期尚遠仍令於本

年趕緊賠造以濟新運會典事例

押運監兌 康熙十年覆准荆州等四衛軍船武昌左衛增補漕

船聽湖南糧道催運武昌等六衛所軍船聽湖北糧道催運 乾

志四十六

經政四 漕運

三

隆四十八年議准湖廣等省令該糧道一體督押過淮直抵臨清

始行回任又押運官湖北委通判一人又每年於通省同知通判

內詳委三員監兌會典事例

領運幫弁 湖北漕船三幫每幫領運千總二人隨幫効力武舉

一人會典事例 湖北武昌衛武昌左衛黃州衛蘄州衛襄陽衛德安

所六衛所分爲三幫頭幫船兌運江夏咸寧通城嘉魚蒲圻崇陽

通山漢陽黃陂孝感當陽安陸雲夢荊門應城隨州應山黃岡一

十八州縣漕糧二幫船兌運江夏武昌通山漢陽沔陽當陽荊門

天門蘄水大冶羅田潛江江陵一十三州縣漕糧三幫船兌運江

夏通山大冶漢陽沔陽蘄州當陽荊門江陵監利興國松滋公安

廣濟石首黃梅一十六州縣漕糧同治戶部則例

漕糧交兌 雍正十年題准湖北安陸府屬荊門後改直隸州 沔陽後改

屬漢陽府天門潛江四州縣漕糧向例運省水次交兌計程六七百里挽運維艱盤駁多費其黃州府屬之黃岡等六州縣每年有解交荆倉兵糧計程千數百里挽運尤難應令彼此抵兌以省上下運駁繁費約抵兌米二萬一千一百餘石共節省水腳銀千七百餘兩解司充公至於給軍截貼解荆耗米修倉等費令各州縣自行給發 乾隆四十二年議准將湖南附近荆州之巴陵等七州縣漕米二萬六千九百 餘石就近運交荆倉劃作南米其湖北廣濟等十二州縣南米即派給湖南幫船俟順流過北交兌抵還原款 四十四年奏准湖南省兌運湖北廣濟等州縣漕糧於過北時截留四十隻分派各州縣受兌俟南省幫船到齊銜尾前進如遇此年不應出運之船於別幫截留以符四十隻之數 五十四年議准湖北崇陽通城二縣額徵漕米五千九百八十四石零改

志四十六

經政四 漕運

古

解荆州抵補南米以下游之蘄州等六州縣解荆南米就近兌交運船劃抵漕額會典事例

湖北江陵等十一州縣額運漕糧三萬六千六百餘石於廣濟等七州縣額解荆倉南米照數派出起運即將額運漕糧運還荆倉以供兵食同治戶部則例

沿途程限 康熙十七年題准湖廣等處糧船行長江至儀徵者皆由大江因風挽運難以逐程立限應令地方官作速嚴催出境其自儀徵至天津如有違限者亦照新定例議處 又題准天津至通州重運係逆流每二十里限一日回空係順流每五十里限一日 五十八年議准各省重空漕船經由直隸故城縣令專管之河道自孟家灣起至果子口止限一日催趲出境遲延參處會典

事例

淮通例限 湖廣漕船限二月以內過淮 康熙十六年題准湖  
廣限六月初一日到通均限三月內完糧 五十七年題准湖廣  
漕船過淮仍照舊例扣限至過淮既不展限一月嗣後如有違限  
仍照舊例處分停其加倍議處 雍正六年題准湖廣漕船過淮  
違限已經議處者於抵通完糧之日將原參過淮違限日期准其  
扣除免議遠道省分以九月初十日爲限逾此限不完糧者官弁  
從重治罪又漕船到通限十日內回空各船抵次之限不得出十  
一月終限內到次者不必具奏限內不到者聲明題參會典事例  
減折改章 咸豐八年七月軍機大臣會同戶部議覆湖北巡撫  
胡林翼奏請漕糧定價一律改收折色竝查明各州縣歷解浮收  
實數分別核減明定折價大較自四千文起至六千五百文而止  
其水腳耗米一并在內所有由單串票樣本差費等類概行革除

准如所奏嚴飭各州縣遵照改定錢數徵收不准於此外多收分  
文 又北漕解數酌定節省免費自咸豐三年以來因軍需孔亟  
歷經奏請將此項銀兩暫行提用其徵解動存各數應令查明報  
部以憑查核至免費一項爲將來辦運所必需自未便概行刪除  
亦未可仍供州縣中飽准照所請暫提充餉 又南糧一概改折  
解交道庫滿綠各營分別委解請領滿營二百六十日支本色一  
百日支折色茲以每石九錢支本色仍以每石七錢支折色綠營  
照向例每石折銀七錢計南米每石折解銀一兩五錢除九錢七  
錢分別支放外每年節省銀八九萬兩亦准畱爲藩庫撥補不敷  
兵食之用仍於春秋二撥冊內造報查核 又漕南二米現既改  
徵折色各幫軍船亦經停運所有漕南水腳及隨漕淺船等銀自  
可毋庸開除准如所請將前項銀兩解歸道庫報撥暫濟糧臺兵

餉 又州縣冗費及各道府丞倅尹尉司道府上下衙門一切陋規雜費概行裁革淨盡不留分毫計合荆倉綠營各浮費共刪除銀約二十餘萬兩嚴行禁止與受同科各州縣除批解正耗水腳之外不准妄費一文經此次酌定章程之後如查有陽奉陰違仍前浮勒者隨時嚴參以肅漕政 又應徵漕南現既明定折價嚴禁浮收民間所省甚多輸將自形踴躍應令嚴飭各屬遵照新章一律完解如有蒂欠卽行嚴參至漕糧折價原係一時權宜之計將來運河修復仍當設法辦解本色以濟京倉惟所收漕折銀每石一兩三錢能否買米一石以及雇船運赴上海并歸海運運京一切費用能否仿照江浙等省以河運經費作為海運開銷應令該撫隨時體察情形報部核辦

志四十六

經政四 漕運

六

多者二萬餘石少者或千餘石或數百石北漕南米合徵分解其徵收米石者謂之本色以錢折米者謂之折色其徵收折色多寡不同有本色多於折色者有折色多於本色者有本色折色各半者有全收折色者其徵收折色每石折收錢或五六千或八九千或十二三千或十五六千或七八斗或加倍收竟有多至三石零者此石浮收米或五六斗或七八斗或加倍收竟有多至三石零者此外又有耗米水腳等項分款另收又有由單券票樣米號錢等名多端需索民力幾何其能堪此而州縣則有所藉口也向來漕運道通時無津貼方在停運免免幫費可省而糧道有漕規本管鉅者固無論已卽現在停運免免幫費可省而糧道有漕規本管糧道署及本管道府署書吏各有房費此充費之在倉者微民刁紳劣監包攬完納其零取於小戶者重其整交於官倉者微民謂之日蝗蟲更有挾州縣浮勒之短分州縣浮勒之肥一有不遂相率告漕甚或聚眾哄倉名雖為民請命實則為己求財也官謂之蝗蟲費種種弊盈千累百無不於州縣取之其派撥南米者撥定後由州縣自運交荆州府衙門或交本色或交折色每米一石折銀或二兩或三兩不等要之費未交足米故遲收此充費之在南米者也夫州縣既多允費勢不能不向糧戶浮收州縣既有浮收勢不能不受刁民挾制於是大戶折色之價日減小戶折色之價日增土棍豪紳多有抗欠猾胥蠹役從中欺侵各州縣雖折價不足數則相率捏報災歉藉緩徵為騰挪而漕政因之益壞百餘年來日甚一日東南數省積弊相同而湖北則幾有不可挽回之勢矣湖北現當兵燹之餘若聽有漕州縣仍照前此之每石十



餘千收取必至民困難甦有負我皇上軫恤凋殘愛養民生之至  
意臣自九月初旬由九江旋省日與省中司道武漢二府晝夜籌  
商立志減漕以甦民困竊謂欲禁浮收當先革冗費現已遴委道  
府大員馳詣各州縣體察情形破除積弊周知貪吏猾胥無從欺  
定章程榜之通衢俾窮鄉僻隅一律周知貪吏猾胥無從欺  
中飽之資以分益乎上下務期積弊盡除民力藉以稍紓而國賦  
得歸實濟易云窮則變則通則久此其時也然積重難返弊  
已百年利之所存人將必有疑之怪之且從其痼疾窮其利藪取  
還之於民歸之於公將必有疑之怪之且從其痼疾窮其利藪取  
為苟利於國苟利於民即執殺之歌狂在所不恤而謫毀之者臣愚以  
漕係臣職守漕弊一日不清臣職一日未盡除俟辦有端倪再行  
月摺陳明又夾片再臣前將湖北漕務密奏奉硃批所奏實屬  
愷切汝能不顧情面祛百年之積弊甚為可嘉俟辦有端倪再行  
具奏欽此當即與司道武漢兩府日夜籌商令州縣將向來浮收  
數目及漕規冗費據實開陳痛加刪減從前每石浮收錢十六七  
千八及漕規冗費據實開陳痛加刪減從前每石浮收錢十六七  
收八千九千文者今減至四五千文耗米水腳票費一并在內其由  
單串票樣米號錢及雜項名目一概革除統計有漕州縣民間共  
刪減錢一百四十餘萬千文此向來官吏丁差剝之於民而今還  
之於民者州縣照定章程徵收後北漕每石解正銀一錢五分其  
較北漕多解銀三分南米每石解正銀一兩五錢耗銀一錢五分其  
數由藩庫籌款撥補今藩庫款項支絀不能不就款預籌統計北  
漕南米正耗銀兩實應解糧庫銀四十一萬餘兩此向來以熟捏

志四十六

經政四 漕運

七

荒以徵為欠不盡歸公而今實歸於公者也南米例支滿綠各營  
兵精應均照例價每石折銀七錢尚餘銀八錢荆州滿營生計尤  
艱應於每年例放二百日本色之內酌加銀二錢每石折銀九錢  
尚餘銀六錢計共餘銀八萬餘兩撥入藩庫籌備撥補兵米及滿  
綠各營正餉又漕南水腳銀每石一錢五分計共銀四萬餘兩向  
係各州縣開銷修倉鋪墊水陸腳價及漕南書吏飯食等項之用  
頗為浮冒今改徵折色各州縣毋庸開銷應飭全解糧庫亦可補  
苴從前兌運北漕糧船之中寓籌備之意於民無損而於公有益者  
也從前兌運北漕糧船之中寓籌備之意於民無損而於公有益者  
有津貼名為兌費今若一并裁革將來河運疏通勢必有礙兌運  
擬將此項兌費暫提充餉俟開兌北漕仍歸丁船津貼約計提銀  
七萬餘兩此則因其所固有三安幫所無於日前有益而於日  
後無損者也又隨漕淺船軍三安幫所無於日前有益而於日  
毋庸開支又可提存銀十二萬餘兩凡此漕務情形經臣通盤籌  
算極力減除為民間省去錢一百四十餘萬兩為國帑實得銀四  
十餘萬兩又得節省提存銀二十餘萬兩以今視昔漕務利弊較  
然可親至於州縣書差催徵飯食辛工紙張原難責以枵腹充公  
然又何至於前此之十倍百倍漫無限制即現在收數既已痛加  
刪減而道府規規及上下衙門一切冗費又復悉行革除計州縣  
尚積可稍資辦公斷不致藉口賭累別開浮勒詐索之端臣既已訪  
察積弊去其太甚取法必從嚴萬之中飽以分益乎上下已往之愆  
尚可不究後來之弊法必從嚴萬之中飽以分益乎上下已往之愆  
收必應從嚴懲辦以勵其法必從嚴萬之中飽以分益乎上下已往之愆  
閑尤所宜慎者也現自減定章程之後通省周知小民踴躍歡呼

輸將恐後歷年漕務開徵至次年七月猶事追比甚至一二年後  
尚煩催促本年漕務經此整飭因民所欲必能提前數月按數催  
解藉以上紓聖慮除州縣之陽奉陰違仍前浮收者另摺查參並  
俟辦有成效再行奏聞又咸豐八年六月湖北撫臣胡林翼奏  
除漕務積弊裕餉便民定章辦有成效摺竊查湖北省有漕州縣  
凡三十萬八千石有奇北漕正耗米十六萬三千石有奇南漕正耗米  
十三萬八千石有奇百餘年來弊病叢積其源由於充費太多日  
益增長其流遂至浮收難禁習為固然於是小民之脂膏盡中飽  
於官吏浮收不足捏災枉緩私徵空徵諸弊繼起加以朋比為奸  
難苟安轉相拊護遂至閭閻以輸納為苦賦稅以延抗成風一旦  
欲廓清掃除實有積重難返之勢然臣竊思楚北頻年兵燹民氣  
凋殘若更任其抗弊不加整頓必成上下交困之形用是夙夜圖  
維反覆熟計不得不於甚難措手之中力求釐剔之法因與藩司  
馬秀儒臬司羅遵殿署督糧道張曜孫署武昌府知府道員嚴樹  
森漢陽府知府如山悉心籌議並委署糧道署武昌府知府漢陽府  
帶委員分歷有漕各府州縣將向來徵收漕南細數及出入實賑  
查覈開呈盡刪冗費以清其源明定折價以清其流取中飽之資  
歸之上下通飭州縣咸使遵行刊刻示諭宣布民間使家喻戶曉  
庶幾去其太甚權其可行節民財以養元氣復正額而益公儲似  
於國帑民生兩有所裨謹將現擬章程為我皇上縷晰臚陳之二  
一漕糧宜定價改折也查湖北有漕州縣額徵漕南米數多者二  
萬餘石少者千餘石數百石向來漕南合徵分解本色折色參錯  
兼收其徵本色也每石或加五六斗七八斗或至加倍最多或加

志四十六

經政四 漕運

六

至三石餘者斗級倉夫多方播弄或多取樣米或淋尖踴斛或拋  
散溷消百弊叢生備極詭詐其收折色也因民間錢多銀少向俱  
收錢每石折錢或六七千或八九千或十數千最多竟有折至二  
十餘千者此外又有由單串票號錢差費等項名目或數百文或  
千餘文不等需索多端雖經各任撫臣嚴行申禁終無以破其伎  
倆臣查咸豐二年因漕船停運部文令變價解部每石折銀一兩  
三錢今徵收本色既積弊甚深又值停運之時與其折色較易查  
徵收再行變價於民無益弊竇更多不若一律改收折色較易查  
一正一耗之舊絲毫不容多取則州縣之廉謹者必至誤公其不  
肖者又將藉口苦累另設取巧之法殊非經久之道因飭署糧道  
等親歷各州縣查明歷屆徵收實數傳集紳耆令其公議核減旋  
據各紳耆稟呈核減數目前來臣復細加體察核其向日浮收之  
數及地方之肥瘠產米之多寡米價錢數之低昂高下以明定折  
價之等差所議之數適中者准之為數尚多者更痛減之其大較  
自四千文起至六千五百而止向江夏縣向收每石折錢八千至  
浮收尚少者減數亦從而少如武昌縣向收每石折錢五千四百  
三千文今減為六千五百文武昌縣向收每石折錢五千六百文  
今減為四千四百文咸寧縣向收每石折錢七千六百文嘉魚縣  
向收每石折錢八千五百文今皆減為五千文崇陽縣向收每石  
石折錢十四千文今減為五千文通山縣向收每石折錢五千文  
向收每石折錢六千文今減為四千文今皆減為四千文興國州  
六千文通城縣向收每石折錢六千文今減為四千文今皆減為  
石折錢五千八百六十文今減為五千文今皆減為四千文今皆  
向收每石折錢六千文今減為四千文今皆減為四千文今皆減  
石折錢十四千文今減為五千文通山縣向收每石折錢五千文

今減為四千八百文漢陽縣向收每石折錢九千文今減為四千八百文  
文漢川縣向收每石折錢九千文今減為四千八百文  
收每石折錢十千文今減為五千八百文  
今減為四千文黃岡縣向收每石折錢九千六百文  
每石折錢六千八百文蘄州向收每石折錢九千六百文  
田縣向收每石折錢九千六百文  
百文廣濟縣向收每石折錢七千五百文  
縣向收每石折錢七千五百文  
文今皆減為五千文陸縣向收每石折錢九千七百文  
六百文雲夢縣向收每石折錢九千七百文  
隨州向收每石折錢十二千文今減為六千五百文  
每石折錢九千文今減為六千五百文  
六千文公安縣向收每石折錢七千五百文  
錢十千文監利縣向收每石折錢七千五百文  
今並減為五千文松滋縣向收每石折錢七千五百文  
千五百文荆門直隸州向收每石折錢七千五百文  
八百文其水脚耗米一并在內所有由單串票樣米差費等類概  
行革除嚴飭州縣遵照改定錢數徵收不准於此此外多收分文並  
曉諭花戶將改定章程於各鄉泐石以期共見共聞垂之久遠永  
杜書役朦混愚弄之弊至此次減定之數除遵例價報解外仍畱  
有餘為他年運解地步而南糧亦備折放餘銀以資緩急悉令隨  
同正款報解存庫一北漕解數酌定節省兌費宜暫提充餉也  
查州縣徵收北漕向係兌交幫丁運京近年停止運兌所收北漕

志四十六

漕運

九

應遵照部定一兩三錢之數解交糧道庫報撥計共應解正耗銀  
二十一萬四千二百餘兩又查州縣交兌北漕各幫丁因例款不  
敷向有津貼名為兌費多寡不等現值暫停河運此款若概行刪  
除將來復行兌運幫丁無此津貼不敷轉運若至其時再議增加  
民情恐形扞格是以此款未便刪除亦未可仍供州縣中飽應暫  
行提充軍餉飭各州縣隨同正耗等銀批解道庫共計提銀六萬  
八千餘兩一南漕折解放餘銀宜節省歸公也查州縣徵收  
南糧解供旗綠各營兵米向解荆州府倉轉放綠營則徑解本營  
因旗營兵米有本色有折色故各州縣本折兼解而荆倉於收本  
色者既索格外雜費其折色者又每石折至二兩二三錢二兩  
六七錢之多綠營運費亦多繁費此皆州縣藉口浮收之一端今  
既刪除浮費改定折價則旗營綠營均應盡支折色自毋庸由荆  
倉轉放亦未宜令州縣徑解各營衙門支放綠營即由各營赴道  
具報巡撫委員咨解荆州將軍衙門支放綠營應解歸道庫由糧  
領旗營例定二百六十日支本色一百日支折色每石折銀七錢  
現因旗營積欠未清生計艱窘於二百六十日本色改爲折色者  
於例價七錢外每石酌加二錢合銀九錢一百日折色仍折銀七  
錢綠營仍照例定折銀七錢又旗綠各營兵米有因災緩缺額不  
敷者向由藩庫籌款撥補近年藩庫款項支絀不能不就款籌備  
因飭各州縣於南糧折價每石以一二兩五錢批解共應解南糧  
耗銀二十萬六千五百餘兩惟滿營官兵名口時有增減綠營兵  
丁亦有空曠每年約支滿綠各營兵米銀十一萬餘兩除支發  
外尚餘銀八九萬兩儲爲藩庫撥補不敷之用一漕南水脚宜  
節省歸公也查漕南水脚向係支發修倉鋪墊駝背水陸脚價及

各漕書飯食之用多由州縣開銷今改徵折色除漕書飯食之外  
概從節省所有漕南水脚俱隨同正耗解歸道庫報撥計可節省  
四萬餘兩又道庫額徵隨漕淺船軍三安家幫津等款現漕船停  
運毋庸盡數支銷計可節省銀十二萬兩亦費甚多自糧道以  
縣允費宜全行裁革也州縣徵收漕南充費甚多自糧道以  
俸尹尉等官俱有漕規大或千數百兩或數百兩或數十兩  
各書吏均有房費年規等項名目或數百兩或數百兩或數十兩  
亦需辛工飯食紙張等項州縣浮收之羨大半耗於此中而藉口  
賄累其浮收亦不可限制衙蠹包戶遂得因而乘之以肆其把持  
挾制之奸今嚴禁浮收必先盡除冗費所有向來糧道及各道府  
丞倅尹尉司道府上下衙門一切陋規雜費概行裁革盡淨不  
分毫合計荆倉綠營各浮費共刪除銀約二十餘萬兩嚴行禁止  
與受同科各州縣除批解正耗水脚等款之外不准妄費一文則  
折價雖痛加刪減尙可稍有所餘足敷辦公之用不至藉口賠累  
別開貪黷之門斷不准其如從前之十倍百倍漫無底止臣酌定  
章程前後復委廉明之知府丞倅各員分往嚴查密訪如有不遵新  
章仍前浮勒者即當隨時嚴參以肅漕政一紓民力以久未開  
復全額而裕漕賦也近年楚北疊遭寇盜其被擾地方既久未開  
徵計其未擾之區亦因收數太重民力艱難觀望遲延不能按年徵  
甚多輸將甚易又各州縣因徵收不能踴躍規避奏銷處分遂至  
捏災枉緩今復徵收既易又核實徵緩不能踴躍規避奏銷處分遂至  
以瘡痍未復爲詞揜其催科之不力所有各州縣無從捏冒亦不能  
新章一律全完毋許稍有蒂欠以充軍餉如將來軍務完竣而運

志四十六

經政四 漕運

辛

河猶未修復各幫船隻俱遭毀壞一時亦難修造擬即遵照部定  
每石折銀一兩三錢解部若北倉需用漕米卽由臣將此項折收  
銀兩照數采買米石委員雇備民船運交江蘇上海轉運局並歸  
海運運京亦斷不至缺誤以上各條計爲民閒減省錢一百四十  
餘萬兩臣自七年三月與司道首府等共興此議六月申行查辦  
至九月下旬乃酌定章程通飭各屬等共興此議六月申行查辦  
有裨益現均在各屬俱已奉行民情極爲懌悅完納俱形踴躍  
除緩徵外均已全完南糧向須延至一二年始能徵完今已完至  
九分爲數十年來所未有惟奸胥猾役包戶刁生不利此舉者或  
潛生誦議或造作謠言現亦尙能敏速如敢有抗違阻撓情事臣  
自當執法繩之務期積弊永除不敢因仍舊習拘泥成規有負我  
皇上愛民裕賦之至意軍機大臣與戶部議復臣等遵閱該撫  
原奏大致以湖北漕務積弊已久其源由於充費太多日益增長  
其流遂致浮收難禁習爲固然於是小民之脂膏盡中飽於官吏  
若不力加整頓必成上下交困之形因與司道等悉心籌議改定  
新章計爲民閒減省錢一百四十餘萬兩亦費甚多自糧道以  
萬兩又節省民閒減省錢一百四十餘萬兩亦費甚多自糧道以  
民之意惟所收漕糧折價及南折餘兩於釐剔弊竇之中寓裕餉  
仍應隨時稽查認真徵解如有蒂欠卽行嚴參並將徵解各項  
耗津貼水脚等銀統於春秋二撥造冊報部並於奏銷案內造報  
查核至解部及撥充軍餉以錢易銀而銀錢價值長落無常應如  
何核算以杜弊端又漕糧徵收本色舊制豈容盡廢自應於停運

之年預為籌及不致將來難復舊章以期推行無弊謹就該撫原  
擬章程逐款核覆繕具清單呈御覽 一漕糧宜定價改折一  
條查該省漕糧前因其運道梗阻經戶部於咸豐三年奏明飭令  
變價解部每石折銀一兩三錢歷經遵辦在案今據該撫以徵收  
本色積弊甚深請一律改收折色並查明各州縣歷解浮收實數  
分別核減明定折價大較從四千文起至六千五百文而止其水  
脚耗米一并在內所有由單串票樣米差費等類概行革除等因  
辦理均屬核實應請准如所請嚴飭各州縣遵照改定錢數徵收  
不准於此外多收分文惟以後如值起運之年設遇災荒米貴其  
定價較少之州縣必藉口賠累仍起浮收之漸屆時欲令民間仍  
交本色又恐新章一定勢難更改似應於停運之年先行籌及將  
來徵收本色使舊制不至蕩焉無存方為妥善如云徵收本色難  
防弊端是在上司查察未可因噎廢食至所稱此次減定之數除  
以資緩急外仍留餘款為他年運解地步而南糧亦備折放餘銀  
米折價既不遵照部定折漕報部存庫之處查該省應徵漕糧及南  
又各州縣參差不一酌定折漕報部存庫之處查該省應徵漕糧及南  
處未據聲明恐開朦混之弊應令該撫核明確數如何核算報解之  
兩係北漕解京倉折放之需自應報部撥用惟查該省自咸豐三年  
以來因軍需孔亟折放之需自應報部撥用惟查該省自咸豐三年  
各數節經戶部咨查未據分晰造報應令查明該省自咸豐三年  
兌費一項為將來辦運所必需自未便概行刪除亦未可仍供州

志四十六

經政四 漕運

三

縣中飽該撫所請暫提之處應准照辦 一南糧折收餘銀  
宜節省歸公一條查湖北滿漢各營兵食有放本色有放折色州  
縣亦本折兼解收米既多需索運解亦多浮費今一概改折色交  
道庫滿綠各營分別委解請領又滿營二百六十日支本色一  
日支折色茲以每石九錢支本色仍以每石五錢除九錢七錢分  
向例每石折銀七錢計南米每石折銀一兩五錢除九錢七錢分  
別支放外約計尚餘銀八萬九千兩以備兵食之不敷節省撥補臣  
等查減定折收章程並酌定本色日期以九錢支放折色日期仍  
以七錢支放折收均與報部原案相符應如所奏辦理至每年節  
撥冊內造報亦應准其留為藩庫撥補不敷兵食之用仍於春秋二  
淺船等銀既改徵折色各幫軍船亦經停運所有漕糧一併查該  
及暫濟糧臺兵餉之處應請准如所奏辦理 一州縣實力奉行  
裁革一條查州縣徵收漕南正耗銀米例有成規原期實力奉行  
不容稍有浮查州縣徵收漕南正耗銀米例有成規原期實力奉行  
各書吏妄設浮勒乃法久弊生自糧道以至丞倅尹尉及司道府廳  
恣意浮收漕政之壞大率由此該撫所稱欲禁浮收必先盡除冗  
費誠正本清源之論今將向來糧道及各道府丞倅尹尉司道府  
上下衙門一切陋規雜費概行裁革淨盡不畱分毫計合荆倉綠  
營各浮費共刪除銀約二十餘萬兩嚴行禁止與受同科各州縣  
除批解正耗水脚之外不准妄費一文立法甚為周密經此次酌  
定章程之後如查有陽奉陰違仍前浮收者即令該撫隨時嚴參  
以肅漕政一紓民力以利徵收復全額而裕漕賦一條查該省

應徵漕南現既明定折價嚴禁浮收民間所省甚多輸將自形踴躍應令該撫嚴飭各屬遵照新章一律完解如有蒂欠即行嚴參至漕糧折價原係一時權宜之計將來河運修復仍當設法辦解本色以濟京倉該撫所稱將此項折收銀兩照數採辦米石委員雇備民船運交江蘇上海海運局并歸海運京之處未始非籌備京倉之一法惟所收漕折銀每石一兩三錢能否仿照江浙等省及履船運赴上海并歸海運開銷未據聲明臣等無從懸揣應令該撫以河運經費作為海運開銷未據聲明臣等無從懸揣應令該撫隨時體察情形報部核辦

試辦採運 同治十三年十月湖廣總督兼署湖北巡撫李瀚章

覆奏湖北漕糧仍難酌徵本色擬提漕折銀兩試辦採買米三萬

石由輪船海運至津兌通大略情形旋准戶部恭錄批由五百里

飛咨欽遵查照據原奏內聲明此項米石如何採買運解並水腳

免費各款籌議章程再行詳細具呈等語應令該督撫迅速妥定

章程核實開報奏明查核其米價運費并計每米一石必得較江

浙採買成案大有節省毋令承辦各員稍有虛糜

志四十六

經政四 漕運

三

機大臣字寄同治十三年九月十六日奉上諭前因延煦畢道遠奏請飭江西等省酌徵本色或籌款採買當經戶部議奏茲據奏稱江廣河南現辦折漕省分規運本色實為當務之急等語前據戶部奏請令江西湖北湖南起運本色業經降旨允准著李瀚章查照該部前奏將本年新漕酌辦本色速籌起運並將辦理情形先行具奏等因欽此並先准戶部咨具奏京倉需米孔亟議令江廣等省應徵同治十三年冬漕酌辦本色或試辦採買無論海運河運總以同治十四年春間有米起運為斷等因奉旨依議欽此抄錄原奏咨行到臣當經會同前撫臣吳元炳督同藩司糧道欽遵籌辦伏查湖北漕糧額徵九萬四千五百七十六石零除久經沙壓潰淹及歲有蠲緩外常年實徵正兌米僅七萬石額數較少若本折兼收室礙甚多上年經臣與前撫臣郭柏蔭會摺瀝陳已蒙俞允仍循舊章折徵委解在案是鄂省之遠難改徵本色久邀聖明洞鑒但京倉既需米孔殷亟應力籌起運湖北所屬有漕各州縣民間改完折色已成習慣體察情形同治十三年新漕實難收起解擬即遵照部議酌提漕折銀兩採買米三萬石由輪船海運至津兌通較為便捷查有招商局委員布政使銜直隸候補道盛宣懷津海情形熟悉二品銜浙江候補道朱其昂辦理江浙糧多年諸臻妥洽今鄂省本屆新漕試辦採運臣與吳元炳商酌即委該道等承辦並飭糧道在於漕折項下先發銀兩給領其買運兌倉一切事宜均責成該道等妥為經理核實開報以資熟手而期妥速光緒元年五月戶部咨行湖廣總督李瀚章湖北巡撫翁同爵會奏鄂漕試辦採買米價運費動用款項數目一摺四

月十四日軍機大臣奉旨戶部知道欽此相應恭錄諭旨飛咨湖  
北巡撫欽遵查照應由該督撫轉飭承辦局員俟赴通交卸後即  
將動支米價運費數目核實報銷毋得稍有虛糜是為至要再查  
該省試辦採買米價運費尚未到部應令迅速妥定報部查核可也  
附錄原奏摺略竊查湖北省同治十三年分漕糧仍難收本色  
酌議採買米三萬石由海運通經臣瀚章於上年十月十八日在  
兼署湖北巡撫任內由陳奏在案嗣准部咨令將採買章程核  
實具奏並聲明米價運費必得較江浙成案大有節省等因當經  
轉飭遵辦去後茲據督糧道何維鍵會同布政使林之望詳請會  
奏前來臣等伏查鄂省試辦採買海運事屬創始必須擇人而理  
因思總辦招商局委員浙江候補道朱其昂直隸候補道盛宣懷  
歷辦江浙漕糧於海運情形最為熟悉且有江浙成規可循是以  
責令承辦承交不致漫無限制旋據稟籌辦湖北探辦交倉正  
明一切事宜俱係仿照江浙近年成案辦理今湖北探辦交倉正  
米三萬石照章於正米之外應添買商耗剝蝕即新增剝耗各米  
二千九百餘石并入正米之內核銷見因訪察鄂中米價較下  
昂貴已遴委委員赴江皖產米之區分途探辦俟江浙正漕報完  
棧以備春融起運至此項採辦米石亦應照章俟江浙正漕報完  
卽由局剝運赴通交兌但楚省距裝運之處均在二千里以外所  
有領解銀兩委辦米石在在需費與江浙就近辦運者難易懸殊  
其米價運腳勢難較江浙減少惟有盡心籌畫諸從節省一俟米  
石運交通卸後核計支銷價值確數據實開報不敢稍有虛糜等  
語臣等復加查核所屬實情仍當實力督飭益求節省每米  
一石並計正耗價腳縱不能與江浙採買成案再為減少然亦不

志四十六

經政四 漕運

三

能於二兩五錢零之外大為增加期為核實至於動用漕項飭令  
糧道按照起運正漕三萬石之數在於漕糧正米折價款內動支  
銀三萬九千兩又於隨正耗米折價款內動支銀三千九百兩共  
計動支銀四萬二千兩於隨正耗米折價款內動支銀三千九百兩共  
之議於濟運之隨漕水腳兌費項下開支濟用不准動用別項正  
款俟辦運事竣由糧道查照江浙成案核實報銷再督運漕糧本  
係糧道專責此次採運米數無多既已委令招商局員承辦即由  
該委員等一手妥為經理毋須多設督運鄂省並派員承辦即由  
勤以專責成而免諉卸臣等一面督飭糧道嚴催各屬趕將  
全漕折價征完解濟京餉不任延誤庶本折可期兼願矣

額徵漕糧總數 湖北省原額並節年升科北漕正耗米一十五

萬一千四百四十六石六斗四升九合九勺一抄四撮八粒二粟

原額南糧正耗除荒實徵並節年清出首墾升科米一十五萬

四千一百二十二石七斗五升四合七勺零內除大冶通山黃梅

麻城黃安五縣南米二萬七千二百二十三石四斗二升八合八

勺零自康熙三十九年為始每石折徵銀七錢解道派支各營兵

米實徵本色南糧一十二萬六千八百九十九石三斗一升五合

九勺零

雍正湖廣通志

案雍正志凡通省及府屬額徵北漕南糧二米實數皆附見於田賦門中嘉慶志並未蒐輯今悉

據錄出冠於見行減折銀數之前以存舊典至隨漕淺船席板驢腳米折等款已詳田賦不再贅登

通省減定總共二五解北漕正米銀額徵內除空壓漬淹沙壓計

緩外實折徵銀一十九萬二千三十兩九錢五分三釐一三解北

漕耗米銀額徵實折徵銀一萬九千二百三兩九分八釐一五解

北漕水腳銀額徵實應解銀二萬二千一百五十七兩四錢一分

九釐

案

總共一五解南糧正米銀額徵內除空壓漬淹沙壓計緩外實折

徵銀一十八萬七千二百六十四兩一錢五分三釐一五解南糧

耗米銀額徵實折徵銀一萬八千七百二十六兩四錢一分五釐

一五解南糧水腳銀額徵實應解銀一萬八千七百二十六兩四

錢一分六釐

案

志四十六

經政四 漕運

十四

通共解六款銀四十五萬八千一百八兩四錢五分四釐 通共

提兌費除空壓漬淹沙壓計緩外實解銀九萬七千七百六十七

兩三錢一分五釐

附錄光緒三十二年湖廣總督張之洞

湖北省光緒三十一年起運三十年分漕項錢糧額徵漕糧正四

二耗米十五萬七百五十九石五斗九升五合一勺內除通山當陽二縣

額徵漕糧米一千七百六十二石四斗七升二合一勺內除通山當陽二縣

折色銀兩另案奏報外實額徵漕糧正四二耗並隨徵加一耗米

十六萬三千八百三十一石九斗三升五合一勺內除通山當陽二縣

三錢應徵米折共銀二十一萬二千九百八十一兩五錢一分七

釐又額徵輕齎等項正耗并漕糧水腳酌提兌費共銀十四萬四

千八百四十八兩四錢四分三釐共銀三十五萬七千八百二十

九兩九錢六分已完正耗共銀二十八萬四千二百八兩三分四

釐又上屆正奏存庫并該年隨奏續完預完自光緒二十三年至

三十年止漕糧米折軍三安家閑丁水腳兌費正耗銀二十四萬

六千四百五十三兩七錢九分三釐八毫動支銀二十五萬三千

二百八十三兩六錢七分七釐除隨漕淺船軍安耗羨銀四千八

百二十二兩三錢四分二釐例解司庫另報外實存銀二十七萬

二千五百五十四兩九錢八釐八毫留為賠款奏撥邊防經費等

項之用又緩徵等項共銀三萬一千九百二十九兩二錢六分二釐二

毫又未完銀二千六百二兩六分三釐七毫等情案此與上載通

省減定額徵及實解數目不符蓋自光緒二十八年裁撤衛所各



官漕糧俱歸同城州縣代徵至三十一年分散各州縣按畝徵收徵解或有不同今檔案燬失無從鉤考

武昌府屬額徵北漕竝節年升科正耗米四萬六千五百二十一石三合五勺內除荒故無徵米七百一十石三斗七升二合二勺八粒三粟實徵漕米四萬五千八百一十石六斗三升七勺九抄九撮九圭一粒七粟雍正湖廣通志

原額南糧竝節年清出首墾正耗米共三萬三千五百六十九石四斗二升八勺零內除大冶通山二縣南米六千六百五石一斗八升八合八勺零於特請皇仁等事案內改徵折色解道派支各營兵米外實徵本色南糧二萬五千九百六十四石二斗三升二

合零雍正湖廣通志

通府屬內除通山一縣照部准向章另列一三共北漕正米銀五萬八千四百二

十兩四錢七分五釐一三共北漕耗米銀五千八百四十二兩四

志四十六

經政四 漕運

五

分九釐一五共北漕水腳銀六千七百四十兩八錢二分四釐一五共南糧正米銀三萬八千九百四十四兩五錢九分八釐一五共南糧耗米銀三千八百九十四兩四錢五分九釐一五共南糧水腳銀三千八百九十四兩四錢五分九釐九屬總共解六款銀一十一萬七千七百三十六兩八錢六分四釐共提免費銀二萬七千二百兩冊

江夏縣無南米北漕正米六千八百六十四石四斗三升五合五勺

耗米六百八十六石四斗四升三合五勺向章每石連水腳折銀五

兩八錢錢八千不等今減價定為正米足錢六千五百文一石耗

券在共解銀一萬八百四十五兩八錢八釐提免費銀三千兩冊

武昌縣北漕正米六千七百六十二石四斗四合二勺耗米六百七十六石二斗四升四勺南糧正米六千八百一十四石六斗六

升五合四勺耗米六百八十一石四斗六升六合五勺向章每本色米一石外加斛面水腳等銀一兩五錢七釐六毫今減價定爲正米足錢四千四百文一石在內共解銀二萬二千九百五十九兩九錢九分七釐提兌費銀五千兩在內

嘉魚縣無南米

北漕正米二千五百九十石五斗五合六勺耗米二

百五十九石五升六勺向章折錢每石十五千文水腳在內今減價定爲正米足錢五千五百文一石在內共解銀四千九十二

兩九錢九分九釐提兌費銀一千六百兩在內

蒲圻縣北漕正米四千六百七十一石九斗三升六合六勺耗米四百六十七石一斗九升三合七勺南糧正米四千一百九十三石八斗七升三合九勺耗米四百一十九石三斗八升七合四勺向章每石折錢五千八百六十文今減價定爲正米足錢五千文

志四十六

經政四 漕運

美

一石在內共解銀一萬四千九百三十兩六錢三分三釐提兌費銀五千兩在內

咸甯縣北漕正米三千一百二十四石七斗三升七合五勺耗米三百一十二石四斗七升三合七勺南糧正米二千六百三十一石九斗九升八合五勺耗米二百六十三石一斗九升九合八勺向章每石折錢七串三百文水腳每石外收錢二百八十文今減價定爲正米足錢五千五百文一石在內共解銀九千六百七十四兩六錢八分四釐提兌費銀三千兩在內

崇陽縣北漕正米二千四百九十四石三斗四升八合五勺耗米二百四十九石四斗三升四合九勺南糧正米二千二百一石五斗九升五合七勺耗米二百二十石一斗五升九合六勺向章連水腳每石折錢五千六百文至六千文不等今減價定爲正米足

錢四千文一石腳耗券在內共解銀七千九百三兩九錢四分二釐提  
兌費銀八百兩冊

通城縣北漕正米三千四百八十九石九斗八升六合九勺耗米  
三百四十八石九斗九升八合七勺南糧正米二千六百二十一  
石二斗九升六勺耗米二百六十二石一斗二升九合一勺向章  
折色每石五千五六百文至六千文不等外收水腳解費約四百  
文一石今減價定為正米足錢四千文一石腳耗券在內共解銀一萬  
二百三十二兩五錢一釐提兌費銀八百兩冊  
興國州北漕正米八千九百七十四石二斗九勺耗米八百九十  
七石四斗二升一勺南糧正米七千四百九十九石六斗四升六  
勺耗米七百四十九石九斗六升四合一勺向章每石連耗米水  
腳折收錢六千四百文今減價定為正米足錢四千一百文一石

志四十六

經政四 漕運

毛

腳耗券在內共解銀二萬七千六百七十八兩五錢九分提兌費銀五  
千兩冊

大冶縣無南米北漕正米五千九百六十六石二斗七升一合三勺  
耗米五百九十六石六斗二升七合一勺向章折色銀每石六兩  
八錢二分外每石收水腳錢八百數十文今減價定為正米足錢  
五千文一石腳耗券在內共解銀九千四百二十六兩七錢一分提兌  
費銀三千兩冊

通山縣北漕正米八百七十二石四斗二升四合三勺耗米八十  
七石二斗四升二合五勺向章該縣漕糧奉准戶部覆以乾隆四  
十一年為始定價每石以一兩四錢五分折徵批解道庫嗣於道  
光二十九年合縣紳民公議漕米每石徵收錢五千文所有由單  
券票錢文一切浮費概行裁汰刊立碑石官徵官解在案今減價

定爲正米足錢四千八百文一石仍照部案折解上下衙門浮費  
一概刪除共應解漕米正耗水腳銀一千二百六十五兩一分五  
釐冊

漢陽府屬額徵北漕並節年升科正耗米共一萬三千三百六十

七石七合六抄六撮六圭七粟雍正湖廣通志

原額南糧並節年清出額外首墾正耗米共一萬四千三百二十

八石五斗五升三合五勺零雍正湖廣通志案其時沔陽州尙未改入所屬漕糧正耗米額數與見

行折徵不符

通府屬一三共北漕正米銀二萬五千九百八十兩六錢五釐一

三共北漕耗米銀二千五百九十八兩六分一五共北漕水腳銀

二千九百九十七兩七錢六分二釐一五共南糧正米銀二萬九

千一百八十五兩四分七釐一五共南糧耗米銀二千九百一十

志四十六

經政四 漕運

天

八兩五錢五釐一五共南糧水腳銀二千九百一十八兩五錢五

釐五屬總共解六款銀六萬六千五百九十八兩四錢八分四釐

共提免費銀一萬四千兩漢川無冊

漢陽縣北漕正米四千一百九十石五斗一升四合七勺耗米四

百一十九石五升一合五勺南糧正米四千五百九石三斗二升

八合七勺耗米四百五十五石九斗三升二合九勺向章每石連耗

米水腳折銀四五兩或錢八九千不等今減價定爲正米足錢五

千文一石腳耗券在內共解銀一萬四千七百三十七兩八錢四釐提

免費銀二千兩冊

夏口廳北漕正米八百七十六石九斗七升八合二勺耗米八十

七石六斗九升七合七勺南糧正米九百四十一石六斗七升八

合二勺耗米九十四石一斗六升七合八勺向章每石連耗米水

腳折銀四五兩或錢八九千不等今減價定為正米足錢五千文

一石腳耗券在內共解銀三千四百九十九兩九分六釐提兌費銀四

百一十八兩五錢四分七釐均在漢陽縣額徵漕糧項內奏明劃

撥采訪冊

漢川縣無漕米南糧正米二千一百二十一石二斗三升八合九勺

耗米二百二十二石一斗二升三合九勺向章每石連耗米折收

錢六串八百至八九串不等水腳另收今減價定為正米足錢四

千二百文一石腳耗券在內共解銀三千八百一十八兩二錢三分提

兌費銀無冊檔

孝感縣北漕正米三千六百九十八石八斗四升八合八勺耗米

三百六十九石八斗八升四合九勺南糧正米三千一百八十石

九斗六斗八勺耗米三百一十八石九升六合一勺向章每石連

志四十六

經政四 漕運

完

耗米水腳折收錢六七串至十餘串不等今減價定為正米足錢

五千八百文一石腳耗券在內共解銀一萬一千五百六十九兩九錢

九釐提兌費銀四千五百兩冊檔

黃陂縣北漕正米五千四百六十九石四斗八升六合六勺耗米

五百四十六石九斗四升八合六勺南糧正米四千六百三十五

石二斗七升八合五勺耗米四百六十三石五斗二升七合八勺

向章每石連耗米水腳折收銀四五兩不等今減價定為正米足

錢五千八百文一石腳耗券在內共解銀一萬六千九百八十五兩二

錢九分一釐提兌費銀六千兩冊檔

沔陽州北漕正米六千六百二十六石二斗三升六勺耗米六百

六十二石六斗二升三合一勺南漕正米五千九石八斗九升一

合四勺耗米五百石九斗八升一合九勺向章每石連耗米水腳

折收錢七八串至十餘串不等今減價定爲正米足錢四千文一石脚耗券在內共解銀一萬九千四百八十七兩二錢五分提兌費銀一千五百兩冊

黃州府屬額徵北漕並節年升科正耗米共四萬九千一百一十四石五升三勺八抄六撮六圭一粒雍正湖廣通志

原額南糧並節年清出額外首墾正耗米共六萬一千八百五十八石四斗七升四合一勺零內除黃梅麻城黃安三縣南米二萬六千一百一十八石二斗五升零於特請皇仁等事案內改徵折色解道派支各營兵食實徵本色南糧四萬一千二百四十石二斗二升四合一勺零雍正湖廣通志

通府屬一三共北漕正米銀六萬三千七百兩七錢九分四釐內除冲壓緩徵銀五百五十九兩一錢四分七釐實應解銀六萬三

志四十六

經政四 漕運

三

千一百四十一兩六錢四分七釐一三共隨徵耗米銀六千三百一十四兩一錢六分四釐一五共北漕水脚銀七千三百五十九分二釐內除沙壓緩徵銀六十四兩五錢一分六釐實應解銀七千二百八十五兩五錢七分六釐一五共南糧正米銀六萬一千七百四十二兩六錢一分三釐內除沙壓緩徵銀六百八十三兩八錢二分五釐實應解銀六萬一千五十八兩七錢八分八釐一五共隨徵耗米銀六千一百五十八兩八錢七分九釐一五共南糧水脚銀六千一百七十四兩二錢六分二釐內除沙壓緩徵銀六十八兩三錢八分二釐實應解銀六千一百五十八兩八錢八分六釐總共解六款銀一十五萬一十一兩九錢三分四釐共提兌費銀二萬八千七百兩內除沙壓緩徵銀二百六十三兩六分二釐實應解銀二萬八千四百三十六兩九錢三分八釐冊

黃岡縣北漕正米一萬三千一百二十一石三斗三合七勺內除沙壓緩徵米一百二十一石四斗五升六合五勺實徵米一萬二千九百九十九石八斗四升七合二勺北漕額徵耗米一千三百一十二石一斗三升四勺內除沖壓緩徵米一十二石一斗四升五合六勺實徵米一千二百九十九石九斗八升四合八勺南糧額徵並升科正米一萬四百二十二石七斗四升二合二勺內除沙壓緩徵米九十六石四斗七升七合四勺實徵米一萬三百二十六石二斗六升四合八勺南糧額徵並升科耗米一千四十二石二斗七升四合二勺內除沙壓緩徵米九石六斗四升七合七勺實徵米一千三十二石六斗二升六合五勺向章折色每石大戶二兩九錢小戶四兩八九錢不等加合加耗照收在外均外收水腳錢二百八十文今減價定爲正米足錢四千五百文一石

腳耗

志四十六

經政四 漕運

三

券在內共解銀三萬九千一百二十七兩三分七釐提兌費銀八千兩內除沙壓緩徵銀七十四兩五分一釐實解銀七千九百二十五兩九錢四分九釐

冊檔

蘄水縣北漕正米一萬四千九百三十九石五斗二升耗米一千四百九十三石九斗五升二合南糧正米一萬二千一百八十二石二斗五升耗米一千二百一十八石二斗二升五合向章折色每石大戶四兩八錢小戶五兩四兩八錢不等

腳耗

在內今減價定爲

正米足錢四千五百文一石

腳耗

在內共解銀四萬五千五百三十二兩四錢九分二釐提兌費銀一萬兩

冊檔

羅田縣北漕正米三千四百九石二斗八升耗米三百四十石九斗二升八合南漕正米二千九百四石耗米二百九十石四斗向章折色每石連耗米水腳收錢九千六百八十五文今減價定爲

正米足錢四千五百文一石腳耗券在內共解銀一萬六百一十三兩八錢六分二釐提兌費銀一千三百兩冊

蕪州北漕正米九千六百三十五石六斗三合耗米九百六十三石五斗六升三勺南糧正米七千五百四十八石七斗一升八勺耗米七百五十四石八斗七升一合一勺向章折色每石七千九百六十文今減價定為正米足錢四千五百文一石腳耗券在內共解銀二萬八千八百一十一兩九錢三分二釐提兌費銀五千兩冊廣濟縣北漕正米五千一百八十六石一斗八升五合應除冲壓緩徵米二百七十八石九斗三升二合五勺內有開墾田於同治十三年啟徵米四十八石九斗三升四勺實徵米四千九百五十六石一斗八升三合九勺北漕額徵耗米五百一十八石六斗一升八合五勺應除沙壓緩徵米二十七石八斗九升三合三勺內

志四十六

經政四 漕運

三

有開墾田於同治十三年啟徵米四石八斗九升三合實徵米四百九十五石六斗一升八合二勺南糧額徵正米八千一百四石三升九合二勺應除緩徵米四百三十五石八斗六升五合六勺內有開墾田於同治十三年啟徵米七十六石四斗五升九合七勺實徵米七千七百四十四石六斗三升三合三勺南糧耗米額徵八百一十石四斗三合九勺應除緩徵米四十三石五斗八升六合六勺內有開墾田於同治十三年啟徵米七石六斗四升六合實徵米七百七十四石四斗六升三合三勺向章折色每石六七千文今減價定為正米足錢四千五百文一石腳耗券在內共解銀二萬一千七百七十一兩一錢一分提兌費銀四千兩內除冲壓緩徵銀一百七十七兩三錢九分六釐實解銀三千八百二十二兩六錢四釐冊



黃梅縣

無南米

北漕正米二千七百八石七斗一升八合三勺內除

沙壓坍廢緩徵米七十八石六斗五升四合六勺實徵米二千六

百三十石六升三合七勺北漕額徵耗米二百七十石八斗七升

一合八勺內除沙壓坍廢緩徵米七石九斗六升五合四勺實徵

米二百六十三石六合四勺向章折色每石六千五百文今減價

定為正米足錢四千五百文一石

腳耗券在內

共解銀四千一百五十

五兩五錢一釐提兌費銀四百兩內除沙壓坍廢緩徵銀一十一

兩六錢一分五釐實解銀三百八十八兩三錢八分五釐

冊

德安府屬額徵北漕並節年升科首墾正耗米共六千三百九十

二石五斗二升三合八抄八撮七圭一粒

雍正湖廣通志

原額南糧並節年清出額外首墾正耗米共六千六百二十四石

六斗一升九合二勺二抄零

雍正湖廣通志

志四十六

經政四 漕運

三

通府屬一三共北漕正米銀八千三百一十兩五錢六分九釐一

三共北漕耗米銀八百三十一兩五分七釐一五共北漕水腳銀

九百五十八兩九錢一分二釐一五共南糧正米銀九千九百三

十八兩八錢五分三釐一五共南糧耗米銀九百九十三兩八錢

五釐一五共南糧水腳銀九百九十三兩八錢八分五釐五屬總

共解六款銀二萬二千二十七兩一錢六分一釐共提兌費銀八

千六百兩

冊

安陸縣北漕正米八百五石七斗五升七合六勺耗米八十石五

斗七升五合八勺南糧正米一千九十二石六斗三升四合九勺

耗米一百九石二斗六升三合五勺向章每石折錢九千文

水腳另收

今減價定為正米足錢五千六百文一石

腳耗券在內

共解銀二千二

百三十九兩八錢三分九釐提兌費銀一千二百兩

冊

雲夢縣北漕正米七百九十八石六斗四升四合四勺耗米七十  
九石八斗六升四合四勺南糧正米七百六十石一斗五升二合  
五勺耗米七十六石一升五合二勺向章折色九千七百文一石  
水腳 在外今減價定爲正米足色五千八百文一石 腳耗券 在內 共解銀二  
千六百三十兩一錢三分四釐提兌費銀九百兩 冊

應城縣北漕正米一千六百八石一斗六升耗米一百六十石八  
斗一升六合南糧正米一千二百五十八石耗米一百二十五石  
八斗向章折色每石九千文 水腳 在內 今減價定爲正米足錢五千文  
百文一石 腳耗券 在內 共解銀四千八百五兩二錢九分三釐提兌費  
銀一千五百兩 冊

隨州北漕正米一千七百九十一石二斗八升二合六勺耗米一  
百七十九石一斗二升八合三勺南糧正米二千九十三石六斗  
一升六合五勺耗米二百九石三斗六升一合七勺向章折色每  
石十二千文 水腳 另收 今減價定爲正米足錢六千五百文一石 腳耗 券在  
內 共解銀六千五百九十八兩七錢三分五釐提兌費銀三千兩

志四十六

經政四 漕運



應山縣北漕正米一千三百八十八石九斗六勺耗米一百三十  
八石八斗九升一勺南糧正米一千四百二十一石四斗九升八  
合三勺耗米一百四十二石一斗四升九合八勺向章折色每石  
九千文今減價定爲正米足錢六千五百文一石 腳耗券 在內 共解銀  
四千七百五十三兩一錢六分提兌費銀二千兩 冊

安陸府屬額徵北漕並節年升科正耗米共二萬二千五十二石  
八斗六升九勺八抄八撮三圭二粒三粟 雍正湖 廣通志  
原額南糧除荒並節年清出首墾正耗米共二萬二十九石一斗

一升九合七勺零雍正湖廣通志 案漕糧米額其時府屬尙有荆門沔陽當陽等州縣實徵諸數在內不爲強析俾免失真

通府屬一三共北漕正米銀七千五百三十八兩五錢九分一三共北漕耗米銀七百五十三兩八錢五分九釐一五共北漕水腳銀八百六十九兩八錢三分七釐一五共南糧正米銀一萬三千二百四十三兩七錢七分六釐一五共南糧耗米銀一千三百二十四兩三錢七分八釐一五共南糧水腳銀一千三百二十四兩三錢七分八釐二屬總共解六款銀二萬五千五十四兩八錢一分八釐共提兌費銀五千四百兩冊

潛江縣北漕正米一千七百九十二石三斗七升五合五勺耗米一百七十九石二斗三升七合五勺南糧正米二千六百二十一石五斗三升三合八勺耗米二百六十二石一斗五升三合四勺

志四十六

經政四 漕運

差

向章折色每石七千五百文水脚另收今減價定爲正米足錢五千文一石脚耗券在內共解銀七千五百五十七兩七錢一分四釐提兌費銀一千四百兩冊

天門縣北漕正米四千六石五斗三升九合八勺耗米四百石六斗五升四合南糧正米六千二百七石六斗五升二勺耗米六百二十石七斗六升五合向章折價每石九千六百文今減價定爲正米足錢五千文一石脚耗券在內共解銀一萬七千五百四兩一錢四釐提兌費銀四千兩冊

荆門直隸州屬額徵北漕正米八千九百五十二石九斗八升八合六勺耗米八百九十五石二斗九升八合九勺南糧正米六千三百七十四石四斗七合七勺耗米六百三十七石四斗四升八勺向章折色每石足錢七千二百文水脚月收每石錢三百文今減價定爲正

米足錢四千八百文一石

脚耗券在內

二三共北漕正米銀一萬一千

六百三十八兩八錢八分五釐一三共北漕耗米銀一千一百六

十三兩八錢分九釐一五共北漕水脚銀一千三百四十二兩

九錢四分八釐一五共南糧正米銀九千五百六十一兩六錢一

分二釐一五共南糧耗米銀九百五十六兩一錢六分一釐一五

共南糧水脚銀九百五十六兩一錢六分一釐共解銀二萬五千

六百一十九兩六錢五分五釐提兌費銀五千兩

冊

當陽縣北漕正米八百九十石四升八合三勺北漕耗米八十九

石四合八勺向章該縣漕糧奉准部覆以乾隆四十一年為始定

價每石正米一兩四錢五分解徵批解道庫向來折收錢四千五

百文今減價定為正米足錢四千四百文一石脚耗米在內仍照

部案折解共應解漕米正耗水脚銀一千二百九十兩五錢七分

志四十六

經政四 漕運

美

冊

荆州府屬額徵北漕並節年清出首墾正耗米共一萬四千七百

九石八斗四升五合五勺八抄三撮九圭二粒三粟

雍正湖廣通志

原額南糧並節年清出額外首墾正耗米共一萬八千七百一十

二石五斗六升六合四勺零

雍正湖廣通志

通府屬一三共北漕正米銀一萬八千二十九兩六錢四分二釐

內除空壓漬淹緩徵銀一千二十九兩四錢六分實應解銀一萬

七千兩一錢八分二釐一三共隨徵北漕耗米銀一千七百兩二

分一五共北漕水脚銀二千八十兩三錢四分四釐內除空壓漬

淹緩徵銀一百十八兩七錢八分四釐實應解銀一千九百六十

一兩五錢六分一五共南糧正米銀二萬六千三百七十四兩九

錢二分六釐內除空壓漬淹緩徵銀一千四十三兩四錢四分六

釐實應解銀二萬五千三百三十一兩四錢七分九釐一五共隨  
徵南糧耗米銀二千五百三十三兩一錢四分八釐一五共南糧  
水腳銀二千六百三十七兩四錢九分二釐內除空壓漬淹緩徵  
銀一百四兩三錢四分四釐實應解銀二千五百三十三兩一錢  
四分八釐五屬總共解六款銀五萬一千五十九兩五錢三分七  
釐共提兌費銀九千六百兩內除空壓漬淹緩徵銀四百六十九  
兩六錢二分三釐實應解銀九千一百三十兩三錢七分七釐  
江陵縣北漕額徵正米五千九十八石三斗三升九合九勺內除  
空壓緩徵米一十石六斗七升一合四勺實徵米五千八十七石  
六斗六升八合五勺北漕額徵耗米五百九石八斗三升四合內  
除空壓緩徵米一石六升七合一勺實徵米五百八石七斗六升  
六合八勺南糧額徵正米七千九百七十九石四斗三升五合內  
除空壓緩徵米一十六石七斗二合四勺實徵米七千九百六十  
二石七斗三升二合六勺南糧額徵耗米七百九十七石九斗四  
升三合五勺內除空壓緩徵米一石六斗七升二勺實徵米七百  
九十六石二斗七升三合三勺向章折色每石十一千文耗米每  
斗一千一百文水腳另收錢三百文今減價定爲正米足錢五千  
文一石腳耗券  
在內共解銀二萬二千三百七十一兩四錢三分四釐  
提兌費銀五千兩內除空壓緩徵銀一十兩四錢六分五釐實解  
銀四千九百八十九兩五錢三分五釐冊  
公安縣北漕正米一千四百三十七石三斗六升六合五勺耗米  
一百四十三石七斗三升六合七勺南糧正米二千四百七十三  
石八斗三升九合一勺耗米二百四十七石三斗八升三合九勺  
向章折色每石七千五百文水腳  
在內今減價定爲正米足錢五千文

一石腳耗券在內共解銀六千七百二十三兩九錢五分提兌費銀一  
千兩冊

石首縣北漕正米九百四十一石四斗一升二合八勺耗米九十  
四石一斗四升一合三勺南糧正米一千五百九十七石二升六  
合七勺耗米一百五十九石七斗二合七勺向章拆色每石錢八

九十千文不等今減價定爲正米足錢五千文一石腳耗券在內共解  
銀四千三百六十二兩八分一釐提兌費銀三百兩冊

監利縣北漕額徵正米四千二百五十三石五斗四升五合四勺  
內除空壓漬淹緩徵米七百八十一石二斗二升四勺實徵米三  
千四百七十二石三斗二升五合北漕額徵耗米四百二十五石  
三斗五升四合五勺內除空壓漬淹緩徵米七十八石一斗二升  
二合實徵米三百四十七石二斗三升二合五勺南糧額徵正米

志四十六

經政四 漕運

美

三千六百九十六石五斗八升八合一勺內除空壓漬淹緩徵米  
六百七十八石九斗二升八合五勺實徵米三千一十七石六斗  
五升九合六勺南糧額徵耗米三百六十九石六斗五升八合八  
勺內除空壓漬淹緩徵米六十七石八斗九升二合八勺實徵米  
三百一石七斗六升六合向章折色每石漕南米照徵冊內之秋  
米科則計算共折錢三十串文有零今減價定爲正米足錢九千  
文一石腳耗券在內共解銀一萬九百一十八兩六分一釐提兌費銀  
二千五百兩內除空壓漬淹緩徵銀四百五十九兩一錢五分八  
釐實解銀二千四十兩八錢四分二釐冊

松滋縣北漕正米二千一百三十八石二斗九升一合一勺耗米  
二百一十三石八斗二升九合一勺南糧正米一千八百三十六  
石三斗九升五合一勺耗米一百八十三石六斗三升九合五勺

向章每石折色錢七千二百文水脚耗米在外今減價定為正米足錢四千五百文一石脚耗券在內共解銀六千六百八十四兩一分一釐提免費銀八百兩冊

志四十六

經政四 漕運

三

經政志四